

Les plus anciens documents linguistiques de la France

Corpus : (chPoit)

Responsable du corpus : -

Édition de la charte : -

chPoit069

Édition critique

1299, 3 février.

Type de document: Charte: vente

Objet: Vente par Pierre, dit Beylaigue ou Beamaistre, à Clémence, femme de feu Aymeri Laller de Mirebeau, pour le prix de cent sous, d'une pièce de terre située au Rivaul de Berner, mouvant da prier de Saint-André de Mirebeau, sujette à une rente de trois quartauts de froment et trois mailles.

Support: Charte scellée.

Lieu de conservation: Archives Départementales de la Vienne, H, Abbaye de Fontaine-le-Comte, liasse 26.

Transcription de la charte

1 Sachent tuit *presenz* et à venir **2** que en la cort de Mirbeau en dreit *par* devant nos *personement* establiz, **3** Pierres dit Beylaigue ou Beamaistre, a *queneu* \2 et confessé en la dite cort *par* davant nos, de sa bone volanté, sanz auqun *parforcement*, **4** que il ha otreié et vendu *par sey* et *par ses hairs* et *par ses successors*, en \3 pure et en *perpetuaul venzçon*, **5** à Clemenzce, femme jadis feu Aymeri Lailier de Mirbeau, *par le prez* de cent solz de la *moneye corrant*, **6** les *quaus deners* le dit \4 *vendeor quenuit par* davant nos *sey avoir heüz* et *receüz* de la dite Clemenzce en *peccune nonbree* et *livree*, **7** une *soe piece de terre que* le dit *vendeor dizeit* \5 *sey avoir* au Rivaul de Berner, *movant dou prios* Saint André de Mirbeau à *annuaul rente* de treis *quartaulz* de *froment* et treis *maailles*, **8** *tenant* à la \6 *terre* Johan Biraut d'une *partie*, et au pré feu Johan Nevoeit de autre *partie*, et au pré à la *domaynne* de autre *partie*, **9** à *avoir*, à *tenir*, à *posseier* et *expleittier* \7 *paiziblement* et à *toz temps par durablement*, la dite *piece de terre* de la dite Clemenzce et de ses *hairs* et de ses *successors* **10** et à en faire, des *ores* en avant, *tote* \8 *lor plennere* volanté sanz auqun *contredit*. **11** Et a *pramis* le dit *vendeor* la dite *piece de terre* *garir* et *defendre* en *tot temps* an la dit Clemenzce et aus \9 *siens*, **12** *quipte* et *delivre* et *totes veilles obligations* et de *toz enpaitremenz* envers *tote manere* de *gent*, ou la *rente* desus dite *rendant*, des *ores* en avant, \10 au dit *prios* de la dite Clemenzce et dos *siens chasqun* an au *jor que* l'an l'a à *costume* à rendre. **13** Unquores ha *pramis* le dit *vendeor*, *par sey* et *par ses hairs* et *par ses* \11 *successors*, *par fey donee* et sus l'*obligacion* de *toz ses biens moubles* et *heritages*, **14** *totes les choses* et *chasqune* desus dites *tenir*, *attendre* et *garder feaument*, \12 sanz *venir* *encontre* en nulz *temps*. **15** Et a *renoncié*, *quant* aus dites *choses*, sus la *fey* et

obligacion desus dites, à tote ayde, à tot benefice de dreit de cort de
\13 yglize et de cort laye et à toz establissemenz faiz et à faire et à toz
privileges donez et à doneir et à toz uszages et à totes costumes **16** et
à excepcion de \14 la peccune non heüe, non receüe et à totes autres
excepcions et decepcions. **17** Ceu fut fait et doné en Mirbeau et
seillé dou seaul de la dite cort en garantie \15 dos dites choses, et
jugé à tenir, à la requete dou dit vendeor *present par* devant nos,
18 au jor de mardi enprés la Chandelour en l'an de graice mil dous
cenz \16 quatre vinz et dez et oict· peitevinz prist·